

Regd.No.19134/88

<http://www.kbc.org.in>

NAI/220/99

No-G-4/Regd./Magazine/KBCThuso/MNP-81



KBC THUSO

Kum 54 Ihinna

Bulte/February 2017

so 454



EVENTS

MISSION
WEEK 01-05

KBC
SUNDAY 12

"Kapa theng, eini pumkhat ihi bang a amaho jong
pumkhat ahitheina ding un, Nangman amahohi hong in"

John. 17:11



***Sunday School Teachers Training 2017
Moreh Baptist Church mun a nisim 21 -24 chan akineitai***



Head office
opp. DM College
Imphal



www.kbc.org.in



kbcindia@rediffmail.com
mail@kbc.org.in



***Assembly 2017 - 18 a ding Lamkai thah kilhengho
thensona Rev. Ngamjapao Haokip Gen. Secy. in anel tai.***



***Flag Hoisting President KBC in
27th nikho in Khaidoh na aneitoh Ihon in
64 General Assembly kipat na ana kinei jin,
Vice President in 29th nikho nin Assembly kichai to kilhon in KBC Flag
khailhahna anijin 2018 a aumnadingmunSalem Sapormeina Pastor
Jamkhohou Haokip in khutsan na anel tai***

CONTENTS

T H U M A K A I H O

1. Editorial/Pathen thilpeh chung a lung oiding	1
2. Hinkho a lolhinna tahbeh /Pastor Onkho Haokip	4
3. Milen Milal Pathen thu/Rev. Henjalen Dounge	7
4. Deacon Natohle panmun/Rev. Silas Haokip	10
5. Assembly Report	14
7. Mission Column	20
8. Men Column	21
9. Women Column	23
12. Literature Column	25
13. Report/Hetsah	26-31

EDITORIAL BOARD

Chairman	: Rev. Dr. Hawingam Haokip, President KBC
Editor	: Rev. Ngamjapao Haokip, General Secretary
Joint Editor	: Rev. Silas Jangminlen Haokip
Contributing Editors	: 1. Rev. Letpu Kipgen
	2. Rev. Henjalen Dounge
	3. Rev. Onthang Haokip
	4. Rev. Kaikhokam Chongloi
	5. Pastor Paokhohao Haokip
	6. Pastor Satminlen Khongsai
Cir. Manager	: Ms. Lhingjanem Haokip
Design & Layout	: Hemkholen Haokip

T H U S O L A H M A N

Church/Organisation/ DepartmentRs. 200/-
IndividualRs. 100/- (Post a Rs. 200/-)

Indian Overseas Bank, Imphal Branch

A/c No. 073201000000350 IFSC No. IOBA0000732

The General Secretary,
Kuki Baptist Convention,
Opp. DM College, Imphal 795001, Manipur
email: kbcindia@rediffmail.com

Advertisement bolnom hon Mobile No. 9612817768 Contact thei.
Circulation to kisai lam Mobile No. 9862633173 bol ding.



**“PATHEN THILPEH CHUNGA LUNG OI DING,”
(Text.Phil.4:11)**

Editorial

Thumakai :

Mihem te a dinga hinkho hi athupipen ahi. Hiche hinkho sunga hi lungthim kipa ding hi ngaichat pipen khat chu ahikit in ahi. Mitheng Paul Theology Teaching hi ivet leh “ Kipana, lunglhai/ lung oi ding” kiti hi athupipen khat in akimun ahi. Phil.4:4, chu ivet leh aman “ Kipah jing’un tikit leu ving’e kipah thanom jing’un ,” atin ahi. (Rejoice in the Lord and again I say rejoice) kipana hin hinkho hi asuh cham kim dan imu’vin ahi. Mihem in lunglhaina dingin thilgon tamtah akinei jin ahin akilung lhai theipon ahi.

Eg; Houbung sunga , Society sunga chule insunga hitihin thilgon ijat inei vangin lungkim na mong mong akinei theipon ahi. Ipi jeh ham ? Ajeh chu leiset hin nitin in thilse bou ahin polut in, atang thei pon, hijeh hin mihemte dingin kipana sangin

*nitin in lung gimna joh hin hinkho alodim
jon ahi.*

*Tun veu'hiute, (1) America te, leiset na
dinga achingpen, athempen chule ahaos-
apen ahiuvin, ahin alungkim deh pouvin
ahi ti imuvin ahi. (2) Israelte, Pathen
namlhen te ahinaovin, ahinlah gal anei
jingun ahiuve. Chule (3) Manipur te din
mun ve kit'ute; Ipi dia ichateu, inaoteu
gamnoi, thingnoija hitobanga lunglut u
ahidem? Ajeh chu Insung, khosunga chu
kipana dihtah um thei talou ahi. Hiche
lungkim louna ga chu ivet leh kipana
sangan anisih in khangdong mihem asom
aja thina lhanmol lep in kipana sangin
minute mipate kana le mao nan hinkho
aman lo taovin ahi. Hichen avetsah chu
ahileh, neile gou, chihna le thepna chule
leiset loupina ho in mihemte nopsah na
dihtah apethei poi ti kichen tah in ihil'un
ahi.*

*Hitajeng jong leh Mitheng Paul in
Houbung masa ho henga chun "Nane
chung'uva lunglhai jun" anatin ahi, iti
loupia loupia hitam sopite ho, (what a
wonderful statement is this). Mihem hina
a igel'a ahileh, mi vaichatah khat chu anei
chung akipa'a alunglhai sel'a aum ding
chu ginchat umlou ahi. Amvang Mitheng
Paul in aseivang hi datmo ding ahipon,
leiset lam lunggel'a aseivang ahipon, koi hileh
Christa Jesua hinna kicheh tah neiho ding
chun vanlam kinepna pa vanga chu leiset
hahsatna holeh boina ho chun Christa an-*

gailut na pa chu lhahsam na a aneilou ding dan chu aseina ahijoi. Chule alang khat a chu ama nei chung a lunglhai theilou mi chu, michunga jong lunglhai thei lou ding tina ahi.

Achainan : Tulai mihemte hohi, ivet leh ahideh in Christian te hohi, Bible thusim a ipu'u Issac tobang jeng ihuive, ajeh chu Issac chun ama kigona ding thinglom chu kho-hepha lou hellin ana kaput in ahi. Hiche bang chun tunin mitamtah in damun lam jon in chonset na lhingset in nitin in thina lhanmol lam jon in ichal ichal un ihuive. Lunglhai kitihi ikivetna pha ikisah teng le bou kilung lhai ahi. Chule kipa kitihi thil khat ahoi, apha khat imu ham or ichan ham le bou kikipah ji ahi. Southern Asia Christian College (SACC) Chennai a kana um laijin Nagaland gollhang Chingao kiti Konzak ho khat chu lungkhamna ima neilouvin phatsih in kipana hinkho in aum theijin, ivet leh kipapi umtah ahin, o-chat jong aum in ahi. Hijeh chun sopite ho, eihon jong Christa Jesua ilunggim nao, ilungkham nao sep lhaotin, Jesu Christan eipeh'u van kipana leh lungmon na a chun kipah'u hiutin, leiset hinkho chom cha sunga hin kipana hinkho mang'u hiute tia chomcha ihihou lim nao athuneipan ibon chaova ding in phat thei iboh peh taohen, Amen.

ALOLHINGA KIGEL JOUSE ALOLIHING ANAHIJI POI HINKHO A LOLHINNA TAHBEH HOIBA HAM?

PASTOR ONKHO HAOKIP



MITIN HIKHOA NGAICHAT UMPEN LOLHINNA

Vannoi leisetna chapang, nungah, gollhang, minu, mipa in ama ama dinmun dungjui in lolhinna angaicha cheh un ahi. Themzilna, natohna, loulho thingpoh, sumlepai holna, lamakaina le minungjuina dinmun neiho ding in lolhinna kitihi tup le doi kibang ahicheh in ahi. Hiche lolhinna hi jat chom chom a sekhen thei ahi. Lolhinna tabeh mu masang in mi kimkhat alolhing in ana kigel jin hichula lolhinna tahbeh anahijipoi. Alolhinga kigel jouse alolhing ana hiji lou jeh in hinkhoa lolhinna tahbeh neicheh theina ding in thumop phabep tahlang in aume. Chomkim tah in abancha'n anavelhaute.

THEMZILNA LAMPILA LOLHINNA
 In sangtah sahdozna ding a
 inning song phu masat angai
 bang in hinkho a lampi khat a
 lolhinna ding in themzilna le
 kichuhna nei masat angai e. Koi
 ham khat in Civil Service ajih
 nom leh amasatadia lekha lam
 themzilna a graduation achai
 a lolhin masat angai e. Tulai
 khang in ipi lampia kilut ding hi-
 jongleh themzilna le kichuhna a
 lolhin masat angai cha masapen
 in ahi. Hichea lolhinna nei jou-
 louhon hink-
 hoa lolhinna
 anei dingho
 chu nei jou-
 louvva agal-
 vet tho jeng
 ding ahitai.
 Mi tamtah
 in ama dei
 dei a hinkho
 aman jeh
 un hiche
 themzilna
 le kichuhna
 lampia hin
 lolhing joulouvin akibalhu den
 ji tauvin ahi.



**NATOH MUNA LAMPILA LOLH-
 INNA**
 Mihem khat chun themzilna
 lampia lolhinna anei jou ten-
 gleh natohna lampia lolhinna
 anei thei ahitai. Ahin hiche na-

tozna lampi achun mijouse
 lolhing thei dehpoi. Tulai
 khangtah degree sangtah tah
 nei ahivanga natohna mun mu
 joulouva moh um jeng aum-
 dapoi. Themzilna le kichuhna
 mun'a phat ijat sulut hen, sum
 ijat sulut hen chule insung mite
 in ijat in ana gentheipiu jongleh
 natohna mun amu joulou leh
 lolhing ahidehpoi. Vannoi mite
 natoh kichuna le kitetna khang
 ahitah jeh in kitetna a lolhing
 joulouhon lolhingho agalvet
 thonau phat
 ahung hitah jeh
 in themzilna nei
 mai mai a lungl-
 haina thei ahi-
 tapoi.

NATOHNA MUN A LOLHINNA

Mihem khat in
 themzilna anei
 a chule natohna
 mun khat anei
 jou tengleh ana-
 tozna mun le
 amopohna mun a lolhinbe
 ding angai in ahi. Natoh/Service
 mu jouse lolhing ahidehpouve.
 Mi tamtah natohna mun pha-
 tah tah mua ahivang a hinkho
 chatvai jeh a kikahlha, kideldoh,
 kisujum aumdapoi. Eima natoh-
 na mun a dingchangtah, kitah-
 tah le gunchu tah a Pathen gin-

ga natoh a kijumso louhel a mihem le Pathen lunglhaina a natohna mun a lolhin ding chu lolhina thua athupipen khat ahi. Lepche le sumguh nehnopna ding a natong hilouvin thilpha bolna le Pathen loup i kiphonna dinga natonghon lolhinna dihtah anei thei un ahi.

LHAGAO DINMUN A LOLHINNA

Mihem in tahsa thudol a lolhinna jatchom chom nei jongleh lhagao dinmun a lolhinna anei louleh alolhing lou ahijeng thei e. Pathen in alim le amela asemsa mihem in a sempa lung ato ding athupipen ahi. Pathen lunglhaina hinkho anei tengleh ahindan le chondan jouse dih intin leiset a thil ijakai ahah le anop dungjui a akimaitopi thei ding ahi. Mihem in natohna anei tengleh sum le pai, nopsahna thei hinkho, kiletsahna hinkho le lhepna jat chom chom hung tam ding ahi. Hiteng chuleh lhagao hinna le dindetna neilouhon a natoh uchu lolhinpi louva athipi bep dingu ahi. Lhaogaova kipotuphon vang lolhinbena anei dingu ahi.

MIHEM HINKHOA LOLHINNA DIHTAH

Mihem hinkhoa lolhinna jatchom chom um henlang natoh len hihen natoh neo hijongleh Pathen angung changei a lolhinna theilou chu lolhinna dihtah aki-titheipoi.

Alet le aneo thu hilouva mihem khat in kichuhna phatah a ahinchai a, natohna ahin mua chuche anatohna muna lolhingsela atoh a, anatohna mun a lhepna jouse adoujou thei leh hichu ama ding a leisetna alolhinna dihpen ahitai.

Hitobang michun vangam a Pathen angung jeng ajong kipaman asan ding ahi.

Lolhinna kitihi bihkhat, munkhat le phatkhat seh kah thu ahipon, akipat akon a thinunga Pakai angung changei houpsoh ahin, hichu lolhinna tahbeh ahi!

MILEN MILAL HO

PATHEN THUSEI PEH DING KOI HAM?

Mission Secretary

Rev.Henjalen Doungel

"I am a nuclear Scientist based in Pune. From my childhood, I was taught to be religious, but at the young age, I had more questions than answers, One day, I got into a serious debate with one of my colleagues on issues of life. I always tried my best to win the debate with him. To confuse my friend, I asked him who created evil, Did God create Evil?

I told him if God created everything he must have created evil. My friend was amazed, but next day, he came back to tell me that the absence of light is called darkness, so also the absence of purity and holiness is evil. This time talking to him I felt at once a hole in my spirituality and was ashamed of myself. I could not sleep for several nights I was worried and disturbed.

After four days, I decided to look for ways to find a healing for my inner spiritual hole. I am still looking for the answer, I have been doing a lot of charity expecting patched on my holes will be but alas..."

Chunga kisei thucheng hi Pune a um Scientist khat aneova patna hougut mi,mihem khat hinkho chungchang hethemn jou lou khat hetthem tei nadinga hinkholla ahija mujoulou khat thusei hung kitah lang ahi.

Hitabang miching, mihao, India pumpin akiletsah pi pa hi alhagao hinkho akipah poi, ajeh chu mihem hinkho hung kitem lona amachih nan akhol doh jou poi, Amatabang mithupi Christa mihuh hing na helou simsenlou India gamsunga umho koipennin tonsot hinnna thuguh agasei peh ding hitam?

Christianity hung kipat til thusim hi ivet a chule tuni eiho dinmun ivet leh mission organization atamjon Christa tahsan dinghi mivaicha lah adoijun, orphanage, children home, chule adang dang ho koma lhagaomang thai ding holdoh nan na atong un ahi. Langkhata migenthei hojong agenthei jeh ule jatneo ahijeh uva jatlen hon mihem lhing lou tabanga anabol jiu deilou nan jatle nam letle neo kisei lou na Christianity chu midang ho toh kibang a umding dei na jallin anapom un asang asang in pathen houna sakhoo a analut un ahi.

Tuni chana miching mithem chule mihaosa ho lah a mission natoh nading a focus bola missionary organization koi um tam? Mitamtah in hiche akibol thei lou nahi amaho toh kivop a alunggel u hetthem a kihoulim pi nading mun le phat anei thei

lou jeh ahi. Eg. Hindu pathen hou Manipur chief minister le a council of ministers ho chule VVIP adang dangho hi koima micham khat in ajeh beija kimuto nading apointment amoh mu thei lou ahi. Hindu pathen hou minister khat /officer khat komma Jesu Christa aum hinnathu nasei peh ing ting chule taona naman peh inge tia jong koiman apointment amu lou ahi. Amaho hi midang milham dang banga phat ong neija Pathen thu kisei na a kou le pui le thei jong hilou ahi. Ahileh amaho komma hi kon pathen thu ase peh a tonsot hinna thu ahet them dinguh hitam? Amaho komma ding hin pastor pan jong mun anei poi missionary pan jong mun anei poi. Konba mun anei ding hitam? Ama banga munthupia um ama banga miching ama banga mopohna lentah nei Christian officer hole nitina akivop pi officer ho bouvin akomuva Pathen mihuh hingna thusim seithei na le nitin hinkhoa vetsah na chance aneiju ahi. Itabang phat le pathen thu asie dinguh ham? Official a toukhom, ahiloule nitin hinkhoa kiman khom naphat anei tengu leh ahindanu, athusei danu, alungput danu chule nitin a ahinkho man danuva athudih nao le akitah naova Christa umchan thoa Christian khat ahinao

atah langu va hichu vah banga ahung vahdoh teng midang hon Christianity chu hiti hi ham ti ahin het ding u chule amaho a akon Christa ahoupao hetnom nale jui nomna lung thim ahin nei ding u hitia chu Pathen hi huhhing pu a ahin kisan ding u bou ahi.

“Christa ngailut na thuguh nakimu a Christian nahung hi hi accident ahipoi, Pathen in ama tohban tong dinga nalhen doha miching mithem ho laha nganse na nachan ahi”

Milen milal hon Pathen na hin-na ahin nei nadinga kihoulim pi thei mi khat in agel dinga dei um chu

1. “Na office a natouna chair chu India mi tamtah tou nomma chang joulou ahi. Pathen in nang napeh ahin aman tamdan henlang. Ama natoh/umchan thonan mangchan”.
2. “Christa ngailut na thuguh nakimu a Christian nahung hi hi accident ahipoi, Pathen in ama

tohban tong dinga nalhen doha miching mithem ho laha nganse na nachan ahi”.

Christian dihtah officer khat chun amapohna chu Pathen akon amu chule Pathen natoh nadinga chanvou achanna ahi ti ahethle Pathen in akithopi tei ding lhagao mangthai holdoh namun hithei ahi.

Hijeh chun hitabang mithupi hohi iti Pathen housah dingham ti hi Christian officer dihtah ho boipi ding len pen ahi. Organization minna mission natoh kiti hin boundry anei je, ahin mihem nganse hilouva Pathen ngansena chang, koimacha hetpeh louva Pathen na guh thimma secular office a hintong ho minun nom ahivu. Hitabang Pathen lhacha hi tu le tua ingai chat penu jong ahi.

Mijouse hin kakilet sah poi ati vangin kilet sah na khat anei cheh e. Hijeh a chu pathen thusei ding jong hi mithupi miching lah ahiteng amun le din mun hethem miching in aseitoh mimol midinmun hethem louva pathen thusei kibang lou ahi. Hijeh chun mithupi ho komma Pathen thu polut dingin mithupi nang Pathen in namang cha nome.

Bible Dungjui'a

DEACON NATOH LE PANMUN

REV. SILAS JANGMINLEN HAOKIP

Hou Lamkai leh Hou Lhacha

New Testament a kimu hiche panmun teni hi Philipi 1:1 le I Timothy bung 3 sunga akisutkhom jeh in mi abang loikhat in hiche kiminphah teni panmun hi kibanga gelloi jong aum in, ahin hiche hi panmun chom *ni* joh ahi. I Timothy 3:1-7 changei hi Houlamkai khat in anei ding *thepna* (qualifications) ho ahin, chang 8-13 hi houlhacha khat in anei ding *thepna* ho (qualifications) ahi. Qualification hohi akilou nan ahin akibangchet vang ahipoi. Vetsahna in houlamkai khat chu *mihil them* hiding akitin ahin houlhacha ho mihilthem hiding tivang akiseipon ahi. Neiding thepna leh panmun akibah lou hin hiche teni hi achom chom ahi ti kichentah in avetsah in ahi. Bishop kiti thucheng hi *vaihom* tinjong akiledoh in ahi. Hichea konhin *episcopal* kiti thucheng ahung kondoh in hichu "vetkol" "vettup" "vetsui" "ventup" tina ahin chuleh houlamkai hon Houbung avetkol u kiseina chu ahi. Houlamkai ho kikouna "Elder" *Upa*, "Shepherd" *Kelngoi Ching* (Pastor) teni jong hi Acts bung 20 leh Firtst Peter bung 5 tenia kibang in akimangto in ahi. Hichea kon a hetdoh theikhat chu:

1. Hou Lhacha leh Hou lamkai hi Church a panmun ni ahilhon in, akibang lhonpon ahi.
2. *Pastor* (kelngoi ching), *Elder* le *bishop* (overseer) hohi NT sunga akibang in akisei in ahi.
3. NT ivet leh Houlamkai ho in Houbung vetkol na mopohna anei uvin ahi.

Deacon (Houbung lhacha)

NT a deacon kiti hi Greek thucheng *Diakonos* a kona kiladoh ahin hichu *lhacha*, *sol lea pang*, ahilou leh *bukong phunga angah'a pang* ho kiseina ahi. *Diakonos* or *Lhacha* kiti hi NT a 34 vei akiminphah in chuleh *diakonia* lhacha natoh hi 29 vei akimun ahi.

Ipijeh a Deacon panmun ana kisemdoh ham?

Deacon panmun ana kisemlo najeh hi Bible a kicheh tah in akimun ahi.

Thilpha tohna lam vesui dinga ana kisem ahi (Acts 6:1-3)

A tahsan hochu atam cheh cheh tauvin Greek gam mi juda (Hellenists Jews) hochu Hebrew ho chungu aphun tauvin ahi. Ajehchu chanvou kihopna a eikichombol e atiu ahi. Hijehchun seijui somle ni hochun mipi chu akhom uvin keihon Pathen thuhil paillah a anne twidon thulam jeng kaboipi diuchu thilpha ahipoi hijehchun nalah uva mi sagi lhendoh uhitin amahochun hiche kin lampang chu boipiu hen atiuvin hitichun abol tauvin ahi.

Seijui somle ni (Pastor masapen ho) hon Pathen thusei leh taona lama phat apeh thei nadiuva deacon panmun hi ana kisemdoh ahi. Seijui somle ni hochun lhacha natoh anatoh jeh uchun Pathen thuhil, thusei leh taona lama amopoh nau lhahsam na anei ding deilou najeh in hiche kina mopo dinga mi sagi hochu ana lhendoh u ahi. Acts 6:3 na'a "hiche kina hi" kiti hin deacon ho natoh ding leh mopohna ding chu kichehtah in avetsah in, hi-

chu, houbung *lhacha* natoh ahi.

Lhinna (qualification) ipi anei ngai ham?

1st Timothy bung 3 leh Acts bung 6 na a deacon hon anei-diu thepna ho akiseiyin, Acts achun alou theilouva aneitei diu khat akisun in hichu "seiphat chang, lhagao le chihna dimset" akitin ahi. Hitichun, "tahsan leh lhagaotheng a dimset Stephen toh,..." adang mi 6 ana lhendoh uvin ahi. Tulai hin deacon ding khat chu hou-in kaijing, hopsom maicham phatah'a pe iti nauve, ahin Bible vang hin asunglam aseijin, aven ahi.

Bible dungjuiya deacon toh ding

Deacon lhagao lam natoh tongthei hiding ahi

NT a deacon masapen sagi hochun anne leh twidon vetkol toh lhagaalam natohna jong ahabol uvin ahi. Vetsahna in Stephen chun Pathen a konin thilbol theina thahat aneijin ahi (Acts 6:8), Philip jongchun Pathen thu lhangsap nalam a talent loupitah ananei in ahi (Acts 8:5-7).

Tahsan kihilna hethem ahi angaiye

Acts 6:9 a kimu dungjui in mun-

chom gamchom chom a kona hung mihon Stephen akinelpiu akimun ahi. Hiche hin avetsah chu Deacon khat in Tahsan thu kihilna phatah a aheth a hiljong ahilchen thei angaijin ahi.

Deacon hochun houbung kipumkhomna alhunsah/aumsah ding ahi.

Acts 6:5 na kisei dungjuijin solchah hon lhacha lhending atiu chu mipi anom sohkei uvin, chua konchun Hebrew holeh Greek gammi Judah kakah a kiphunna chu akiseikit tapon ahi. Tunia jong deacon hon amopohnao phatah a avetsui teng houbung sunga kipumkhomna aume.

Deacon hochun Pathen thu amachal sah ding ahi

Acts 6:7 a kimu dungjuijin deacon ho hung kilhendoh toh kilhon in pathen thu achal jengtan Jerusalem a atahsan akibe jingin, thempu hojeng jong tahsan thun anung tauve akitin ahi. Tunikhon jong Pathen hetah deacon umna houbung hochun Pathen thu lhangsap ding agelkoh uvin, ahabol tei uvin ahi.

Houbung thusim a Deacon Panmun (Deacons seen in Church history)

200 AD - 500 AD: Hiche phat-

sung hin deacon/lhacha hochun houbung sunga meithai chaga ho kithopina natoh ana habol uvin ahi. Damlou vil, houbung miho ventup, vetna umho ahunglut kitdiu tiho jong ana bopiuvin, Pastor hon anganseuva ahileh church administration jong ana mopo jiuvin ahi (CW Deweese, *The Emerging Role of Deacons*, 1979).

Middle Ages (500-1500 AD) sung chun deacon hon houlamkai hina natoh nasatah in ana bol uvin, thempu changei jin anapang jiuvin ahi.

Reformation phatlai chun reformer ho, Martin Luther, John Calvin holoi chun deacon hon hou lamkai/vaipo panmun alah houchu ana deisah pouvin, NT a kimu banga lhacha natong ding ahina ana hasei uvin ahi.

Baptist te leh Deacon Panmun Baptist te lamkai masa John Smyth kitipa le Thomas Helwys tenin deacon tohding chu houbung sunga meithai chaga ho kithopi ding chu ahi anati lhon in hichu ana chepi lhon in ahi. 1654 kum in Thomas Collier kitipan deacon panmun chu table thum in anahom in ahi; *Pathen table* (The Lord's table), *Pastorpa table*, chuleh *mivaicha*

ho table. Hichea kon hin hiche hi Southern Baptist ten jong anachepiuvin ahi.

Ahin, kum jabih 18 kimlam vel'a kipatchun Baptist houbung sunga deacon ho panmun chom-deu khat ahung kijeplut pan in tunikho geiyin baptist houbung tamjon ichepiuvin ahi - hichu *board of deacon* hi ahi. Hichea konhin deacon ho natoh chu lha-cha kin bou hilou vin houbung sunga vaihomna tha jong ahin neipan uvin ahi. Hiche hi ipia kona hung umdoh theiham ti ivet leh phat khat laiyn leiset thulam toh kiseiya kona pastor ho lhakang ding lungel nasatah ana um in. Pastor ho lhakang ahitoh lhon in leiset thulam toh kisai jouse chu deacon ho mopohna ahung hitan, hichea konchun ol ol in kivaihomna dang dang jong deacon pehbe ahung hitan ahi. Kum jabih 19 leh 20 kipatlam chun chun Baptist insunga deacon panmun hi NT a kimupa banga semkit ding lungel tamtah ana umjeng vangin houbung tamtah in tua board of deacon a kivaihomna pahi adeisah jotan, achejom jingtan ahi.

Baptist te lah a board of deacon a kivaipohna kichepi najeh hochu

1. Pastor hon phatseh a houbung miho aumpi theilou jeh uva

amaho umlou kah a deacon hon avetsui u ngai ahi

2. Thil kigong leh na kitong ding leh kitongsa hochunga lungel khom ding committee angaitan hiche dinga chu board of deacon ho ngaicha ahitai.

3. Mi abang khat vaihom them-tah aum in hiche talent manchah a houbungna tohnathe chu board of deacon hi ahi.

4. Mikhat seh vaihom nachu kitahsan tona lhasam thei ahi. Hichejeh achu board of deacon hi ngaicha ahi.

5. Houbung mi sumkolveina lam, leiset lam kivaihomna thepna neiho chu Houbung sunga ngai-chat ahitan, amaho tobangin pan alah nathei mun chu board of deacon hi ahi.

Ahin, HW Foshee kitipan *The Ministry of the Deacons* ti lekhabu asutna achun Houbung chu anoiya hohi aumleh achekhel ahitai ti het ngaiye tin ana sunin ahi. Hiche hochu

1. Pastor thuneina le phatsahna umhijongleh houbung a kin len ho kibolthei

2. Deacon hon pastor athunoi uva akoi u

3. Houbung sunga paisa chena jouse pastor ngailouva deacon hon approve abol jengthei u.

Khumkhana

Bible ivet leh kichehtah a kimu chu Houbunga panmun ni aume, hiche teni chu houlhacha leh houvaipo/lamkai hi ahi. Hou lhacha tohding chu meithai chaga ho kithopi ding, hou lamkai ho ngaijang ding chu ahi. Khat langa, hou lamkai natoh ding chu Pathen thuhil ding, vahkhang ding leh taona a lamkai ding ahi.

Acts a kimu dungjui chun houvaipo hon anganse dungjui uchun deacon hochun Hebrew holeh Greek gam mi Judaho kikal a kiphunna hochu asuthip uve, hiche hin avetsah chu deacon hochun lhacha natoh bou hilouvin vaihom na jong anei uvin ahi.

Baptist ten board of deacon a houbung kivaihomna phat sotpi ihin chepi jing utoh kilhon in deacon hon houbung sungah vaihomna/lamkaina panmun aneyin ahi. Deacon hi lamkai panmun khat chu ahitai, ahin *lhacha* hinapa jonghi isuhmil khah uleh Bible a kona chekhelna hiding ahi. Bible dungjujin Deacon kiti hi lamkai panmun sangin *lhacha* hina amasa jon athupi jon ahi.

Assembly Report le Kipa thuseina

64th General Assembly Kuki Baptist Convention

Place: Centre Church New Lambulane

Duration: 27-30 January 2017

Achesa nisim 27th - 30th January, 2017 sungin 64 chan na KBC General Assembly Centre Church new Lambulane, Imphal mun a akineiijin, Assembly member ahung kikhom dohjat mi 400 alhingin Pathen thangvah aume. Tuchung assembly hi Pathen umpina aki changin thunoh baotam na imacha umlouvin Assembly nikho jong nithum dinga kigong chu nini sungin kitup tah in akichai theijin lamkai ho vaihom thep nale mipi te lunggel them na jal ahin, kipa aum lheh e. Assembly sunga hin Kaikhomna Livei aumin, anoija minchong Pakai lhacha ho a kon hin thupi jong Livei akingailhan kipa aume. Assembly sunghin Central Choir ho, Church Choir C/C New Lambulane, Church Choir Baptist Church Chassad Avenue

amaho a konin Pathen vahchoi na La kisa ngainom umtah tah jong akingai Ihan Pathen thangvah aume. Tukum Assembly Delegate ho lah akum tampen Pastor Retd, Volkhopao Kilong ahin, kumsot tah tah atha hat lai jouseova Pathen le KBC ngailut na jalla Pathen na anatong ho Pensioner ho jal in jong Pathen ithangvah uve. Assembly Member Atlarge teni Pu Dr TT Haokip le Dr Seiboi Singsit Assembly sunga thanom tah a alhungkeija apan Ihon jeh in jong Assembly anop chom lseh jengin achung Ihon a kipana alene.

Assembly Speaker ho:

1. Rev Dr Hawlngam haokip, President KBC
 2. Rev. Ngamjapao Haokip, General Secretary KBC
 3. Rev, Demkhonnnh DOUNGEL, Pastor C/C Molnoi Area. No 16
 4. Rev. Dr Thongkhosei haokip, Senior lecturer AICS Aizawl.
- Pathen panpina jallin maho chenga konin Pathen thuhing ngainom umtah tah akingai Ihan achunguva kipa thu akiseije.

Lhunkim nilhah in Flag Hoisting President KBC in aneijin, Central Chior ho a konin KBC Laapi akingai Ihan KBC Flag khaidoh na kin gon thupi tah in akichai theijin kipa aume.

Assembly nikhat chan na nikho in KBC General Secretary le Department Secretaries ho konin kumsunga machal na ho Report ngainom umtah tah akingai Ihan KBC Pathenin ei umpinao imachal akimu theijin Pathen thangvah aume. Chujong le General le Department Recommendation ho akiban jomin, anini chan na seiban ho akijom paijin, Pension Board ho makai na in kum sottah



na hintong Evan, Lamhen Kipgen le Rev. Tongjam haokip atahsa kum lhon kiva pohna dungjuja ahung lhin toh lhonin lhah na Programme akinei jouvin, Election kum 2017-2018 sung lamkai ding lhen na akineijin boi lou hel in akiche lha theijin kipa aume.

Farewel nilhah kaikhom sunghin Pastor mi 14 ho Oath taking Pakai le KBC a dinga gunchu tah le kipah tah a na tongin kitepna soi kai na anei un kipa aumin, Kum 2017 - 2018 sunga Lamkai kilhengdoh ho jouse thensona le taopeh kin General Secretary pa kinthempu hinan Installation phat jong kitup tah akichaijin kipa aume.

Kipa thuseina :

Tuchung Assembly sunga kimanchah naho Pathen le KBC ngailut na jalla tomngai tah a alam chom chom a pan la jouse chung a kipa thu hiche KBC Thuso hi mangchan ahung kiseije. Ahideh in Amun Houbung mite hole Deacon Board ho chule nungah gollhangho hapan na jal in lup na Gena kitup tah in eibol peh un, chule an neh tuidon lam hihen adang dangho jousea jong tomngai tah in aphot cha chan eibol peh un, ahung kikhom mipite jousea ding in aphot u alungthim u sengin pan alauvin Houbung mite chung a kipathu sangtah in ahung kiseije. Pathen in Houbung mite jouse amichan cheh in phat theina thalhingset in pecheh tao hen. Hiche Programme a minchong ho jouse Thupi sei ho, lasa ho, taona mangho le alam lam a pan la jouse chule ahung kikhom Delegate ho jouse chung a kipa thu sangtah in ahung kiseije. Pathenin ikiloi khomnao KBC phat thei boh jing taken.

Honory Elected Officers 2017-2018

I. President Rev. Dr. Hawlngam Haokip

II. Vice President Pu Lhunthang kipgen

III. Assembly Secretaries

1. Mr. Paolunlal Kipgen, PA to Gen Secretary

2. Pu Thangtinkhup Baite

IV. Men Work Committee

1. President - Pu Lienboi (Lamkholien) Singsit
2. Vice President - Pu Thangtinhen DOUNGEL, C/C Salem Sapormeina, No.4
3. Recorder - Pu Jampao Baite, Lungngil B/C No.11
4. Members - Pu Nohsei Haokip, New Keithelmanbi B/C No.7
5. Convener - Concern Secretary
6. Ex-Officio - General Secretary
7. Ex. Officio - Finance Secretary

V. Women Work Committee

1. President - Pi Hekim Khongsai, C/C B. Vengnom No.8
2. Vice President - Pi Hatneilam Haokip, Chassad Avenue B/C No.1
3. Recorder - Pi Hatkhochin Haokip, C/C Langol No.1
4. Members - Pi Nengboi Haokip, E. Mulam B/C, No.19
5. Convener - Concern Secretary
6. Ex-Officio - General Secretary
7. Ex-Officio - Finance Secretary

VI. Youth Work Committee

1. President - Pu Seikhogin DOUNGEL, C/C Tuibong, No.8
2. Vice President - Pu Thangkholun Singsit, C/C Salem Sapormeina, No.1
3. Recorder - Pu Thongngam Haokip, Saivom B/C No.16
4. Members - Ng. Nemneivah Haokip, Chassad Avenue No.1
5. Convener - Concern Secretary
6. Ex-Officio - General Secretary
7. Ex-Officio - Finance Secretary

VII. Mission Board

1. Chairman - Pu Jamkhotang Haokip, C/C New Lambulane No.1
2. Vice Chairman - Pu Lhunthang Mate, C/C Molnoi Area No.16
3. Member - Pu Thanglam Manlun, C/C NGV No.1
4. Member - Pu Haopu Singsit, C/C New Lambulane No.1
5. Member - Pu S. Onmang Haokip, C/C Langol No.1
6. Member - Pu Onkholun Haokip, Tuinom B/C No.9
7. Convener - Concern Secretary
8. Ex-Officio - General Secretary
9. Ex-Officio - Finance Secretary

VIII. Pastoral Committee

1. Chairman - Rev. D. T Haokip, Champhai B/C No. 8
2. Member - Rev. Tonglet Haokip, C/C Langol No.1
3. Member - Rev. Paojangam Haokip, Pastor No.1
4. Member - Rev. D. DOUNGEL, Pastor C/C Molnoi Area
5. Member - Rev. Ngamlun Touthang, C/C S. Canan Veng No. 8

6. Member - Rev. Dr. P. Chongloi, Pastor Tuibong C/C
 7. Convener - General Secretary

IX. Christian Education Board

1. Chairman - Dr. L. Haokholet, C/C New Lambulane No.1
 2. Member - Pu Seilenkap Haokip, C/C Tuibong No.8
 3. Members - Pu Jangmang Haokip, C/C Chavangphai No.15
 4. Member - Pu Jampu Baite, C/C New Lambulane No.1
 5. Convener - Concern Secretary
 6. Ex-officio - General Secretary
 7. Ex-officio - Finance Secretary

X. Christian Literature & Publication Committee

1. Chairman - Pu Tonghen Kipgen, C/C Kangpokpi No.5
 2. Member - Pu Jamsei Haokip, C/C Haokip Veng No.1
 3. Members - Rev. Paul Paolen, C/C Canaan Veng No.1
 4. Member - Pu Thongkholun Haokip, C/C Thingjabong No.8
 5. Convener - Concern Secretary
 6. Ex-officio - General Secretary
 7. Ex-officio - Finance Secretary

XI. Pension Board

1. Chairman - Rev. N. Baite, C/C Salem Sapormeina No.4
 2. Member - Rev. Tongmang Haokip, C/C Canaan Veng No.1
 3. Members - Rev. Thangkhoisei Haokip, Pastor No.19
 4. Member - Pu Ngamlal Dounge, C/C NGV No.1
 5. Member - Pu SL Jamthang
 6. Member - Pu Henlal Dounge, C/C New Lambulane No.1
 7. Convener - General Secretary

XII. Development Committee

1. Chairman - President (By Post)
 2. Member - Pu Onthang Haokip, Chassad Avenue B/C No.1
 3. Members - Pu Hethong Haokip, K. Songlung B/C No.1 (Delhi)
 4. Member - Pu Semlal Haokip, C/C Langol No.1
 5. Convener - Concern Secretary
 6. Ex-officio - General Secretary
 7. Ex-officio - Finance Secretary

XIII. Finance & Property Committee

1. Chairman - President (By Post)
 2. Member - Pu Tongkhohao Kipgen, C/C Kangpokpi No.5
 3. Members - Pu Thanghem Haokip C/C B. Vengnom No.8

- | | |
|---------------|--|
| 4. Member | - Pu Letkhotang Haokip Chassad Avenue B/C No.1 |
| 5. Member | - Pu Kamboi Haolai, C/C Langol No.1 |
| 6. Convener | - Concern Secretary |
| 7. Ex-officio | - General Secretary |

XIV Auditors

1. Pu Tongsei Haokip, N. Songlung No.4
2. Pu D. Thongjang, Khoken B/C No.7
3. Pu Seijalal Khongsai, C/C Molnoi Area No.16
4. Gl. L. Seikholen, C/C New Lambulane No.1
5. Pu Sehjalén Gangte, C/C Kangpokpi No.5
6. Pu Thangboi Hangsing, C/C NGV No.1
7. Pu Demlam Kipgen
8. Pu Letkholun Haokip, C/C Salem Sapormeina No.4

XV Theological/Managing Board

1. Chairman - Rev. Y. Haokip, C/C Kangpokpi No.5
2. Member - Ms. Lhingboi Kipgen, MBC
3. Member - Rev. Ngulkhopao Haokip, C/C Salem Sapormeina No.4
4. Member - Pu Ngamthang Haokip, C/C Salem Sapormeina No.4
5. Member - Pu Mangtinlen Haokip, C/C B. Vengnom No.8
6. President (By Post)
7. General Secretary (By Post)
8. Academic Dean (By Post)
9. Convenor - Principal/Director

XVI Planning Committee

1. Pu Thangkholun Haokip, C/C B. Vengnom No.8
2. Dr. Letthang Haokip, Principal MTC
3. Dr. Khaineo Haokip, C/C Langol No.1
4. Pu Robert Seilam, C/C Langol No.1
5. Pu Khaijang Haokip, Chassad Avenue B/C No.1

XVII Members At Large

1. Dr. Seiboi Singsit, C/C New Lambulane No.1
2. Dr. TT Haokip

XVIII Necrologist

1. Rev. Tunlal Haokip, C/C B. Vengnom No.8

KBC MISSION BOARD MEMBER THAH HO

Kuki Baptist Convention Pathen lengam na itoh naova Mission hi athupi pen khat ahi. Mission natoh ahung machal a ikhan jing uto Ihonin aphot phat in leadership jong ahung kikhel jing e. Kum 2013-2016 chana Mission Board mopohna lolhing taha hinla Pu S. Athang Haokip le Pu Thang-sei Vaiphei Term ni llingset a mopohna ahin lah hon tah jeh in 2017 C/C New Lambulane a Mission Board in lhah na akinei tai. Pathen in amaban hon puijing hen lang Aleng natoh na a pan lajou jing din phat thei boh jing hon taken

Amani mun aon tah jeh in Assembly in Pu Haopu Singsit C/C New Lambulane le Pu S. Onmang Haokip C/C Langol 2017 -2018 sung a lamkai dingin alheng doh tan ahi.

Tu le tua Mission Board member ho:-

- | | |
|--------------------------|--------------|
| 1. Pu Jamkhotang Haokip | -Chairman |
| 2. Pu Lhunthang Mate | -V/Chairman |
| 3. Pu Thanglam Manlon | -Recorder |
| 4. Pu Onkholun Haokip | -Member |
| 5. Pu S. Onmang Haokip | -do |
| 6. Pu Haopu Singsit | -do |
| 7. Rev. Henjalen Dounge | -M/E Secy. |
| 8. Rev. Letpu Kipgen | -Ex-Officio |
| 9. Rev. Ngamjapao Haokip | -Ex-Officio. |

Chunga kipe Lamkai ho hi Kumsunga Mission Board member hidinga deisahna neitah a Assembly in itundoh u ahito Ihonin amopoh naova lolhing taha pan term llingset a alah jounadiu vin houbung miten Pathen henga taonana kop jingu hite.

Chingmeirong Imphal Gurkhali Field hondoh hita:-

Manipur Gurkhali field a Pathen na ihin toh nao ahung sot tan kumseh in tahsan cha jong ol olin akibe jing in maban a natoh amachal na dingin Chingmeirong Imphal Area a Gurkhali Evangelist ding angaitah jeh in Evangelist Bijay Ghattani lah be ahitai. Ama natoh pat nadin Rev. Jeten Gajmer in Chingmeirong Fellowship member ho laha Gurkhali Field Supervisor khat hinan mopohna apedoh in Evangelist khat hina phondoh na achesa nisim 5th February nichun ana neitan ahi.

Pathen in anatoh panpi jing henlang alolhin jing nadin houbung mipi te jousen jong taonan geldoh jing u hite.

PATE LAKAI THAH

Pate kiloikhomna hi aumlou leh hithei lou ahi tihi Lamkai masaho lungthim'a Pathennin ahin geldoh sahtan hijeh chun 26th March, 1981 ni in ahung kiphutdoh tan ahileh Pathen phatthei boh kiloikhomna ahijeh in lamkai pipu jong athah thah aphot dungjujin Pathenin eipeuvin 2017 leh 2018 a ding jong anoija chengho hi lhendoh ahitaove.

1. *President : Pu Lienboi Singsit, C/C New Lambulane,*
2. *Vice President : Pu Thangtinhen Dounge,*
C/C Salem village, Sapormeina, KBC No.4.
3. *Recorder : Pu Jampao Baite,*
Lunggil B/Church, KBC No.11.
4. *Work Committee : Pu Nohsei Haokip,*
New Keithelmanbi B/Church, KBC No.7.

amaho chenghi ahivu. Chutoh lhonnin Men Department akiphudoh a patnin tuni changeijin imachal jing uvin tohdoh jong tampi inei uvin Pathen thangvah in um taken. 2017 kum jong 36 Assembly in tohding tampi ikigon kit'ugin, eima mimal cheh leh lamkai ho, Houbunga Gambih'a chuleh Convention a hatah a ikitho'uva ikitosot to lou uleh itohdoh lou diu jeh in pan lakhom jing uhite tia Pakai minna kahin tep'u ahie.

Hetsahna leh Temna:

An-ngol Taona 31 channa Men Department Assembly C/C Tuibuong KBC No.8 a kilolna No.10:31:2011 leh Men Work Committee kilolna No.1:1:17 a Pate An-ngol Taona hi 2017 a jong boljom din pha akisan hijeh chun ahung lhung ding 3rd June 2017 (Saturday) ni leh Houbung jousea Pate ho in An-ngol taona ibol cheh diuvin, temna ahung kineiye. Programme vang hi eima Houbung cheh in aphotna thei penin kigon cheh uhite chuleh neh sih leh offering vang Office a thah cheh uhite tia tepna kahin nei ahi. Pathennin Men Department phatthei boh jing taken, Amen.

Rev. Kaikam Chongloi,
Secretary, Men Department, KBC (I).

OFFICE OF THE WOMEN DEPARTMENT**KUKI BAPTIST CONVENTION****AN-NGOL TAONA PROGRAMME*****Thupi : Taona in thil akikhel sah theije.*** (Mark 9:23)

Anikho : 10th March, 2017 (2nd Friday)

Aphatsung : 06am - 02:00pm (2nd Friday)

Tiem na le Hetsah :

Amasan muntin'a um KBC Houbung mithengte jouse nabon chaovin I Pakai Jesu Christa minin kangailut nao le kajana Salaam kahinpeove. Pathenin kum 2016 sung eihinpuigal kai taovin Amintheng thangvah in um taken. Tukum 2017 kum'a jong Pakai lenggam a dinga i-tohnao amachal thei na ding le i-tohgon hou alolhin theina dinga itoh thei pen u nikho khat An-ngol a taona kitoh chet na iman kit diu Assembly a kiphatsah na banga anikho le aphaat hung kipe ahi., Hiche Program hi Houbung jousea Women Lamkai hon ahoina thei le aphaatna thei chan i-na kisem beuva hiche phat hung kipe sunga hi kitoh chetna Taona iman khom uva inehsih hou anchang jong paisa isou uva inabol ngai banguva Office langa ihin thah diuvin ikitiem uve. Ajeh chu Nuten jong kumseh leh ijokham kham uva genthei hahsa hole damlou ho kitho pina inei jingu ahijeh in hiche nikho a kimu ho jouse jonghi hiche ho a ina manjiu ahijeh in inahet them cheh diuvin Pakai minin i-hung kihet sah uve.

Taona Item ho:

1. Eima chang kipeh theng na le Pathen thangvah na.
2. Convention Women Dept. tohgon ho tohdoh a aum na ding.
3. Lydia Plot man damsel pehchai a aum theina ding.
4. Lydia Boarding kibol ahung pilhin theina ding
5. Lydia Ponkhong Training bol ho le asunga mopohna nei ho ding.
6. Gambih le Houbung hoa Nute tohgon ho tohdoh a aumthei na ding
7. Convention le Gambih chule Houbung ho a Nute Lamkai ho a ding.
8. Chaga genthei ho le Meithai ho chule Damlou ho a ding.
9. KBC sunga Worker ho a ding.
10. Houbung sunga lhagaova halna aumna dingle Gamsunga cham na aumthei na ding
11. Adang dang ho.....

Pakai lhacha,

Lhingjanem Haokip, Secretary, Women Department.



***KBC Hq Fellowship Youth
Department ten ana boipi,
tu naicha a ana ki release,***

“TUN KAHUNG NALAIYE”

Gospel feature film chu tulai tahin muntinna show akibol jingin ahi. DVD le CD a kijoh pan lou-lai ahin, koitobang avenom, charity show a dinga deicha/ngaicha aumleh kihetto jing thei ahi.

Haoneo Haokip
Chairman, BYD.

Mobile 9402031885

YOUTH COLUMN



PORTION LE PRIZE

KBC Youth Department panlahna'a kumseh leh kiboljing Bible Quest (BQ) hi houlebih khenna umlouva apang nomjouse dia kot lentah kihongjing chu ahin, hito Ihon chun tukum 2017 sunga jong umkit ding ahi. October lhasunga hung kibolding ahitoh Ihon'a koi hijongleh apangnom jouse kigotna thei dingin anoiya hin tahlangna ahung kinei masan ahi.

SIMMUN DING:

Thuhilpa le Isaiah

BQ PRIZE:

First Prize: Rs. 10000/-+Memento

Second prize: Rs. 5000/-+Memento

Third prize: Rs. 3000/-+Memento.

Consolation prize mi 10 chan

YOUTH DAY THUPI LE LA

Kumseh a KBC Youth ten Youth Day ihin manjing utoh Ihon'a tukum jong Events dungjuiya imancheh diu ahin, hetmasat ding phabep anoiya hin tahlang ute.

YOUTH DAY 2017 THUPI:

"Pathen ngaisahna lam'a hinkho mang" (1 Tim. 4:12)

YOUTH DAY 2017 LA

Tukum Youth Day la dinghi Assembly a kisei bangin Gambih jousea Youth Day Thupi toh kitoh'a lajih themhon ahin jih uva KBC office a March sung chan'a thahlut ding, lamkai chengin hiche la kijih chu ahoipenpen tukum'a dinga Youth Day La a manding kiti ahito lhon in Gambih jousea lajih themhon ihin jih uva ihin thahlut diuva het-sahna ahung kineiye.

KBC CENTRAL CHOIR LAHBE DING

KBC Central Choir hi Gambih jouse pangtei dia gelkhohna akinei-toh lhon in tutua Central Choir holah'a pangloulai Gambih hochu Gambih 3, 6, 11, 12, 13, 14, 15, 17, 18, 20 chenghi ahivu. Assembly a kiphatsahna dungjuijin apangloulai Gambih jouse lekha thot akineitan, Gambih pangloulai hon angaichat hungkisei dungjuia Office lam'a phat kipe nikhoa chu ngaichat jouse toh Choir a pangdingho ihin soldiuvn hetsah ihivu.

KBC HOUBUNGHON ZAITHEM 2016 HO GELDOH TEI DING

KBC Youth Department tohgonna noiya 2016 kum'a Zaithem anakibol chu lolhingtah in chajjin ana umtan ahi. Hito lhon chun muntin'a KBC houbung jouse le mipite henga ngehna nom chu ahileh Gambih hihen, Houbung hihen, Insung kin hijongleh kindong kineina hoa Pathen Vahchoi Lasading kouna ding bang ahung umkhah leh midang dang, Houbung dangdang a lasaho koulouva KBC Zaithem 2016 a Top 1-10 sungho hi i-kouches diuva temna le ngehna sangpen akineiye.

Sunday School Teachers Training

Report

Tuchan geiya Kuki Baptist Convention'in kichepi dungjuia Literature & Publication Department mopoh'na noiya kumseh le kibolji Sunday School Teachers Training chu 2017 kum'a dingin 21-24 January, 2017 sungin Moreh Baptist Church (MBC) mun'ah Resource Person hole Arteste ho pum'a mi 370 vel pan'na'in nomtah le lolhing tah in anachelha ta'n ahi. Kipah tah le nomsatah'a hungpang houbung, houbung hoa kon'a tomngaitah le pontho tah'a pan hungla jilkung ho jouse chungu Literature & Publication Committee in kipa thu sangtah ahung kiphonge. Amin cheh in kiphapoh jou tahih jongle, Jingun'a eihungpan peh ho'u, Resource Person (mihil) a eihungpan peh ho'u, Pathen vahchoi la ngeitah tah sa'a pang Artiste kikou ho le adang dang ho chungu jong kipa thu sangtah ahung kiphonge. Training bol'na mun einatopeh'u le ahungkikhom ho jen'na'a sum le pai, lung le tha, toh le tham, neh le don'a nasatah'a pan eilahpeh'u MBC houbung lamkaiho le houbung mite jouse chungu Pakai min'in kipa thu sangtah ahung kiphonge.

Tuchung Training lolhin'na dinga Pathen henga taona'a hungpang ho jouse, Training sunga Mess Fee a hunglut kalval a avat apa suhbulhit'na dinga sum le paiya nasatah a pan eilahpeh'u Moreh Baptist Church (MBC) le sum'a eikithopi'u anoiya minchong ho chungu jong atumbeh in kipa thu sangtah ahung kiphonge.

1. Pu Ch. Pachon, S. Kudengthabi Inpi pu Rs. 6000/-
2. Gl. Paominlen Haokip, Lecturer, Moreh Govt. Higher Secondary School Rs. 5000/-
3. Gl. Ngamjakai Haokip, Lecturer, Moreh Govt. Higher Secondary School Rs. 5000/-
4. Pu Letkhomang Haokip, Gen. Manager (Electricity), MSTDC Rs. 5000/-
5. Gl. Kamminlun Singson, Assistant Manager, UBI, Moreh Rs. 5000/-
6. Gl. Kamminlen Haokip, Deputy Manager (Electricity),

MSTDCL Rs. 4000/-7. Pi Kimneihoi Haokip,
Khopijang Inpi nu Rs. 5000/-

Training sunga ikihil'na ho'u le ijildoh ho'u aphalam le adih lam'a imanchah theiyuva, Sunday School lam machal theina dinga kithopi pha asodoh theina dingin jilkungho jouse le Sunday School lam'a mopoh'na nei jouse Pa Pathen'in eimapuiyu henlang, ikiloik-hom na'u KBC sunga Sunday School machal be jing taken!

2017-18 Literature & Publication Committee

2017-18 sunga Literature & Publication Committee ho houbung mite het thei dingin anoiya hin ahung kitah lange.

1. Rev. N. Haokip, General Secretary - Ex-officio
2. Rev. Letpu Kipgen, Finance Secretary - Ex-Officio
3. Pu Tonghen Kipgen, Centre Church, Kangpokpi - Chairman
4. Pastor Haoneo Haokip, Secretary, Litt. & Publication - Convenor
5. Pu Jamsei Haokip, Centre Church, Haokipveng, Imphal - Member
6. Pu Thongkholun Haokip, C/Church, M. Thingjabong - Member
7. Rev. Dr. Paul Paolen Haokip, C/C, Canan veng, Imphal - Member

Convention Level Sunday School Exam.

2016 kum'a pat'in Convention Level Sunday School Exam. boldan ahungkikhel jep'in, hiche dungjui chun Semior le Pilhing Class/Group teni hi ama, ama houbunga asangpen thum (1, 2, 3) ho chu agambih, agambih'a Exam. Centre'ah Convention Level Exam. ah anapangun, hiche (Convention Level) themvet'na'a pang asangpen - khat a pat thum changei (First, Second, Third) ho chu Convention min'in Literature & Publication Department'in kipaman (Prize) sum le Certificate (Cash Award with Certificate) anakihomdoh ta'n ahi. Convention Level Exam boldan aphajep khat ahung umdoh kahse'a hiche hi phat chomkhat inachepi diu ahi.

2017 Convention Level Exam

Bolna'a Kimangding Lekhabu

Senior'a : **Christian te Tahsan Kihilna : Baptist ho Kihetkhenna**

Silas Jangminlen Haokip

Pilhing'a Ruth & Esther

Paokhohao (Haoneo) Haokip

Pastor Haoneo Haokip

Secretary, Literature & Publication, Kuki Baptist Convention

KBC GAMBIH NO.14 CHATE CAMP

LOLHINGTAH A KICHAITA



Gambih Women Department tohgonna noija Chate Camp chu achesa January 5-9, 2017 sungin Gambih in Gambih Centre Gamphajol Baptist Church, KBC No.14 mun'a ana kibol in lolhingtah in ana kichai tai chuleh tuchung Chate Camp a hin mi 52 in Jesu Christa tahsanna le ama a dia huhhingpu a akisan utoh lhonin Gambih Pastor Limminthang Zou in Dt.8/1/2017 Sunday ni in Huhhingna nei mi 52 Baptize ana bol in ahi. Amaho a din taokop jing ute.

Keima, NI. Hatneilhing Kipgen,
Women Secretary, KBC No.14.

KBC GAMBIH NO.15 in 9th GENERAL CONFERENCE

LOLHING TAH A ANA MANGTA.



Achesa DT.18-21 January sungin KBC No.15 Moreh Area hopsunga um houbung 14 kiloi khomna noiya, conference thupi in " Koi hile akisonga Chun, Pakai ya kisong hen" 2nd Cor.10:17 thupi Mangcha in, Speaker in Pastor Onkho Haokip, in thupi mun ngavei Leh seminar jong ananei in ahiye. Khoppi sunghin houbung mite jouse lhun nathei dingleh Gena touna camp leh, kaikhomna hall ho ahoithe pen in khonei Haolenphai houbung mite in pan ala utoh lhon in, nomtah in program teho chelhah na kitup Tah in ana ume. Khoppi sungin Gambih sunga lasa them tamtah a Kon in la sah na ana um in, bible kitet najong ana um in, houbung 14 Akon in labung khatcheh sah nale, Hindi, Leh Meitei Baptist church Akon in jong labung Leh cultural dance ho vetsah najong ana umme. Gamsunga a lamthem tamtah Akon in lam na jong tampi ana um in ahiye. Moreh gamsunga athanomchan jng lem ahito lhon in Mi tampi kikhopna ana um toh Kilhon in thupi sein a Akon injong Mi tampi in phatchomna Anei un, Pastor Onkho Haopkip chung a jong Kipa Thu kahin phongin, chuleh ama hung Nadia phalna hinpe a KBC General Secy pa Leh New Lambulane houbung lamkai ho chung a Kipa Thu jong kahin phonge. Gambih conference sungin lamkai thah jouse lhandoh naleh gambih sung a houbung jouse Akon injong Rev. Ngulpao

Haokip Lhahna jong ana um in ahiye. Tuchung conference lolhin Nadia sum lepai thil le lo a pan hinla jouse chung a Kipa thu kahin phong in, Pathen in jong phatthei na napechek tauhen. Mailam a jong Pathen mapui naleh thahat nanoiya KBC Gambih no.15 jong hatdoh Jing taken. Kakipah e.

Pakai le Mipi lhacha

Pastor Henkhomang Tuboi, Gambih Pastor KBC no 15, Moreh Area

KBC GAMBIH NO.14 CONFERENCE 2017 KICHAITA



Achesa January 18-20, 2017 sungin Jangngoulen Baptist Church munah 36th Ihinna Gambih No.14 Conference chu lolhingtah in ana kimangin ahi.

Hiche Conference sungah hin

“Hinna thu chu domsang un”

ti thupi mangchan Pastor Satminlen Khongsai, KBC Youth Secretary in Gambih mite ho tilkhouna ana neijin ahi.

Gambih Choir hon vahchoina la ngeitah tah asauvin amaho chungah jong kipathu kahin seijin ahi.

Khaimang Haokip
Secretary, KBC No.14.

DANA CHUNGA KIPA THUPHON



Achesa 18th January, 2017 (Wednesday) nikhoa kangailut tah kaloipa Mr. Lunlen Haokip in hetman louva dammona jong umlouva jingkah a atahsa chung a boina aumjeh in damding ngaichatna jal in Imphal tolpi sung kahin lhut in achainan Kuki Baptist Convention Office munna Pakai lhacha ho kom kahin moh lhun denna chung a ngailutna neitah a taona le thumna, neh le don a neikithopinao chung chon'a damdoh jou talou kaloipa longdapsa coffin neichoh peh uva chule kachennao kho chan lhunna dinga Ambulance neigon peh nao ho kagel le kakipah lheh jengin Sana dangka le sumle paija sahding hile kahinkho lhuma kasah jou ding jong ahipon, Pathenin na mimal cheh chunguva phattheina lhingset nape jou hen lang chule KBC napha tongjom jing thei dingin mapui jing taken.

Chule vangset katona chung a ngailutna jalla eihung lunghempi jouse chule inmun langa along dapsa eihung op peh uva chukit le akivui chai chan'a eikithopi ho jouse hiche KBC Thuso mangchan nachung cheh'uva kipathu sangtah in kahin phongin Pathenin namalam hinkhouva phattheina nape jing jeng tao hen.

Keima,
Mrs Lamneng Haokip
Dongsum Baptist Church, KBC No.2.



**Nisim 29th Jan. KBC 64 General Assembly in Evan. Lamhen Kipgen
le Rev. Tongjam Haokip Pension Board lamkal na in kilom tah in
lhahdoh na akineitai.**



**Gambih No 14 Conference 18th to 21 January sung a Pastor Satminlen
Khongsai, Youth Secretary in Pathen thu aseina.**



**Gamphajol mun a Gambih 14 Chapang Camp kibolna a
khangthah 50 in tahsan kitep na in Tuilut na anei taovin ahi.**

Post Regd. MNP/81
Regd No. 18134/88



KBC Pastor mi 14 ho 64 General Assembly sung in Oath Taking alatauvin ahi.



KBCTHUSO

February/Bulte

2017

If undelivered, please return to
The Editor, KBC Thuso
KUKI BAPTIST CONVENTION
Opp. DM College, Imphal - 795 001
Contact: 9862633173